

(<https://news.usm.my>)

Berita Mutakhir

26
MAR

PROJEK BERKONSEP 'JOB CREATORS': USM RANGKUL ANUGERAH DUTA JAUHAR 3:0



TAHNAH & SYABAS
DUTA JAUHAR 3.0
UNIVERSITI SAINS MALAYSIA
atas penganugerahan
ANUGERAH PERMATA
projek
RLE J-FORCE CUCI KERETA BERGERAK

26 Mac 2017

KAMI MEMIMPIN | **WE LEAD** 
www.usm.my
Mentransformasikan Pendidikan Tinggi untuk Kelestarian Hari Esok
Transforming Higher Education for a Sustainable Tomorrow

PASIR GUDANG, 26 Mac 2017 - Dengan menggunakan konsep mencipta pekerjaan (Job Creators), sepasukan 8 orang pelajar Universiti Sains Malaysia (USM) bersama 10 belia kini berjaya menjana pendapatan sebanyak RM20,000 sebulan dengan projek Cuci Kereta Bergerak (RLE J-Force, Mobile

Carwash).

Mereka juga menerima pengiktirafan apabila terpilih menerima Anugerah Permata (Anugerah Keseluruhan) Duta Jauhar 3:0 di dalam Majlis Kongres Duta Jauhar di Universiti Kuala Lumpur (UniKL) hari ini yang telah disampaikan oleh Menteri Pendidikan Tinggi, YB Dato' Seri Idris Jusoh dan membawa pulang wang tunai berjumlah RM5,000 dan piala pusingan.

Ketua projek, Nursyahira Mustapha berkata, projek ini sangat memberi impak kerana ianya satu-satunya perkhidmatan cuci kereta secara mobile di Johor Bharu, Johor.



Syahira juga berkongsi idea projek yang dirangka ini tercetus pada hujung tahun lepas di sebuah kedai tomyam dan akhirnya ia bukan hanya omongan kosong, tetapi telah membuahkan hasil yang memberansangkan.

"Perancangan masa depan kami ialah ingin memiliki sebuah francais dan akademi latihan bagi francais, seterusnya mempunyai francais tidak hanya di Johor Bahru tetapi di seluruh Malaysia," tambah pelajar Pusat Pengajian Sains Kemasyarakatan ini.



Duta Jauhar 1:0 telah dimenangi Universiti Malaysia Terengganu manakala Duta Jauhar 2:0 telah dimenangi Institut Teknologi Darul Takzim.

Duta Jauhar merupakan inisiatif Kerajaan Negeri Johor yang mengiktiraf idea, peranan dan khidmat bakti kumpulan Mahasiswa Johor Institusi Pengajian Tinggi (IPT) seluruh negara untuk bermuafakat membangun dan memajukan sosio-ekonomi masyarakat di Negeri Johor.

Ia adalah sebuah program cetusan idea YAB Dato' Mohamed Khaled Nordin, Menteri Besar Johor dalam membangunkan sosio-ekonomi rakyat Johor melalui penglibatan Mahasiswa Johor daripada Institusi Pengajian Tinggi (IPT) seluruh negara.

Teks: Hafiz Meah Ghouse Meah



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015